



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«21» փետրվար 2019թ

ք. Երևան

ՈՐՈՇՈՒՄ ԹԻՎ 039285/2

ՀԱՐԿ ՎՃԱՐՈՂԻ ԱՐԳԵԼԱՆՔԻ ԵՆԹԱԿԱ ԱՅԼ ԳՈՒՅՔԻ ՎՐԱ ԱՐԳԵԼԱՆՔ ԴՆԵԼՈՒ
ՄԱՍԻՆ

ՀՀ ՊԵԿ ԻՎ ՀԳ քաժնի գլխավոր մասնագետներ Վ. Հարությունյանս և Ս. Պետրոսյանս
/ՀՀ ՊԵԿ ստորաբաժանման անվանումը, պաշտոնը, անուն, ազգանունը/

Համաձայն ՀՀ պետական եկամուտների կոմիտեի նախագահի 22.01.2019թ. թիվ ԱՀ039285 հանձնարարագրի և ուսումնասիրելով թիվ 4798/06-Ա վարչական վարույթի և հարկ վճարողի վերաբերյալ նյութերը

ՊԱՐԶԵՑԻՆՔ

«Վիդաս Մեդիա» ՍՊԸ-ի (ՀՎՀՀ՝ 02256986, հասցե՝ ք. Երևան, Նորագյուղ 139բ, պետ. գրանցման համար՝ 290.110.772491) չկատարված հարկային պարտավորությունը 15.11.2018 թվականի դրությամբ կազմել է 675.965 դրամ, որից ապառք՝ 478.843 դրամ, տույժ՝ 195.347 դրամ, տուգանք՝ 1.775 դրամ: 14.12.2018թ.-ին ՀՀ ՊԵԿ իրավաբանական վարչության պետի կողմից կայացվել է թիվ 4798/06-Ա որոշումը՝ «Վիդաս Մեդիա» ՍՊԸ-ից 675.965 դրամ գանձելու վերաբերյալ: 23.01.2019թ.-ի թիվ 039285 որոշմամբ արգելանք է կիրառվել «Վիդաս Մեդիա» ՍՊԸ-ի բանկային հաշիվներում առկա դրամական միջոցների վրա 675.965 դրամի չափով, իսկ 20.02.2019թ. թիվ 039285/1 որոշմամբ արգելանք է կիրառվել «Վիդաս Մեդիա» ՍՊԸ-ի դրամարկղում առկա կանխիկ դրամական միջոցների վրա 675.965 դրամի չափով:

ՀՀ Հարկային օրենսգրքի 431-րդ հոդվածի 2-րդ մասի 1-ին և 2-րդ կետերի «Վիդաս Մեդիա» ՍՊԸ-ի բանկային հաշիվներում դրամական միջոցների և դրամարկղում դրամական միջոցների բացակայության հետևանքով անհրաժեշտ է ղեկավարվել ՀՀ Հարկային օրենսգրքի 431-րդ հոդվածի 2-րդ մասի 3-րդ կետով և արգելանք կիրառել արգելանքի ենթակա այլ գույքի վրա:

Վերոգրյալի հիման վրա, ղեկավարվելով ՀՀ Հարկային օրենսգրքի 429-րդ 430-րդ և 431-րդ հոդվածներով՝

ՈՐՈՇԵՑԻՆՔ

Արգելանք դնել հարկ վճարող «Վիդաս Մեդիա» ՍՊԸ-ին (ՀՎՀՀ՝ 02256986) պատկանող արգելադրման ենթակա այլ գույքի վրա 675.965 դրամի չափով:

Նրան արգելել արգելադրված գույքը օգտագործել և /կամ/ տնօրինել և /կամ/ տիրապետել: Որոշման պատճենը ոչ ուշ քան այն ընդունելու հաջորդ օրը, պատշաճ ձևով ուղարկել «Վիդաս Մեդիա» ՍՊԸ-ին, ՀՀ ԱԳԿ կոմիտեին, ՀՀ ոստիկանության ճանապարհային ոստիկանություն ծառայությանը:

Արգելանք դնելու մասին որոշումը պարտադիր է բոլոր պետական մարմինների, տեղական ինքնակառավարման մարմինների պաշտոնատար անձանց, կազմակերպությունների ու ֆիզիկական անձանց համար և ենթակա է կատարման Հայաստանի Հանրապետության ամբողջ տարածքում:

Սույն որոշումը կարող է բողոքարկվել հարկային մարմին կամ ՀՀ վարչական դատարան: Որոշման արտադատական կարգով բողոքարկումը, համաձայն ՀՀ Հարկային օրենսգրքի 432-րդ հոդվածի 5-րդ մասի, չի կասեցնում որոշման կատարումը:

Վ. Հարությունյան

/Արգելանք դնող պաշտոնատար անունը, ազգանունը/

Ս. Պետրոսյան

/Արգելանք դնող պաշտոնատար անունը, ազգանունը/



Սույն որոշումը ստանալու պահից Դուք նախազգուշացված եք արգելադրված գույքը կամ դրա առանձին բաղադրամասերը վատնելու, օտարելու, թաքցնելու կամ ապօրինաբար մեկ ուրիշին հանձնելու դեպքում վարչական կամ քրեական պատասխանատվության ենթարկվելու մասին:

Ստացա որոշման օրինակը _____